



STARI GRAD CAZIN SA DŽAMIJOM, GRADITELJSKA CJELINA LOKACIJA – CAZIN

Stari grad Cazin je stara i čvrsto građena utvrda na strmoj uzvisini pored više izvora dobre vode, nekada utvrđeni dvor biskupa kninskoga, o čemu je biskup posjedovao darovnicu kralj Bele, u kojoj su navedene granice cijelog imanja. Kninski biskupi tokom XIV stoljeća borave u cazinskoj utvrdi, a ispod nje se razvilo i otvoreno naselje. Posebno važan za Kninsku biskupiju Cazin je postao nakon pada Knina pod osmansku vlast 1522. godine. Od tada su skoro pedeset godina kninski biskupi boravili u Cazinu i odatle upravljali ostacima svoje biskupije. Grad je 1563. godine čuvala posada od 20 kraljevih vojnika.

Pod osmansku vlast Cazin je došao 1578. godine i tokom osmanske vladavine nalazio se u sastavu Ostrožačke kapetanije. Tako je u cazinskoj tvrđavi krajem XVI stoljeća posadu činilo svih pet rodova vojske, 150 vojnika. Početkom XVII stoljeća cazinska posada brojala je 202 graničara, a sredinom XVII stoljeća 237 graničara. Najbrojniji su bili azapi, koji su čuvali tvrđavu i palanku. Sredinom XVIII stoljeća Cazin je s 2 veća i 4 manja topa i posadom od 250 ljudi predstavljao branjeniju krajišku tvrđavu.

Tekst i slike obradio: Igor Pečenkovic dipl.ecc.hot.

Izvori: JU „Zavod za zaštitu kulturnog naslijeđa Bihać“ popisni registar, „Stari gradovi Unsko-sanskog kantona“ Zavod za zaštitu kulturnog naslijeđa Bihać i Muzej Unsko-sanskog kantona, februar 2009, internet, <http://old.kons.gov.ba/>

